



Publicaziuns dalla vischnaunca, jamna 34

Damonda da baghegiar

2014-1039.000

Datum dalla publicaziun: 22 d'uoost 2014

Il patrun: Viafier Retica, Via dalla Staziun 25, 7002 Cuera

Il representant: Biro d'inschignier Iso Mazzetta, Via Principala 125, 7166 Trun

Object: Niev sutpassadi dalla Viafier retica Chischliun, parcelas 930, 932, 931, 934, 902, 993, 1007, 2294, 2295, 859, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 19 d'uoost 2014

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2014 – 1035.000

Meinrad Maissen, Via Plauncas 2, 7180 Disentis/ Mustér; spazzar ils baghetgs casa nr. 290, Via Acletta 36; baghetg nr. 289, Via Acletta 42; baghetg nr. 290A-A, Via Acletta 40; baghetg 290A, parcella 1624, Via Acletta 38, 7180 Disentis/Mustér.

Disentis/Mustér, ils 18 d'uoost 2014

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 22 d'uoost 2014**, allas 18.45 ell'Ustria Fravia a Disla.

Tractandas:

1. Protocol nr. 13-2013/2016
2. Sutpassadi Chischliun: Damonda da credit (messadi nr. 15-2013/2016)
3. Ovra Russein SA – Mesiras da recumpensaziun a Fontanivas: Informaziun
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu).

Ils proprietaris da terren ein supplicai da tener tagliau anavos las caglias per cheutras prevegnir a donns vid vehichels e viandonts/pedunzs. En cass che las caglias e plontas vegnan buca tagliadas anavos, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Disentis/Mustér, uost 2014

Uffeci da baghegiar Disentis/Mustér



Santeri Sogn Gions Mustér – Sclamada da fossas

Per saver realisar la fossa communabla en santeri da Sogn Gions vegnan las fossas sisum santeri, las quallas il temps da ruaus ei spiraus, sclamadas.

Tenor las prescripziuns digl art. 12 dalla lescha davart il satrar ed igl uorden santeri dalla vischnaunca da Mustér munta il temps da ruaus per fossas 20 onns.

Las suandontas fossas en santeri Sogn Gions vegnan sliadas si:

- Beer Maria
- Lutz-Giger Maria Luisa
- Petschen-Andriuet Margreta e Gion
- Flepp-Manetsch Rosa
- Dermon-Werth Anton
- Hosang Giuseppa
- Ciura Marek
- Maissen-Berther Maria Lucia
- Giger-Sialm Damian
- Monn-Steger Monica
- Desax Leci

Nus supplichein ils vegnetsuenter resp. talas personas ch'ei responsablas per las fossas d'allontanar cruschs, monuments e fluras entochen ils **15 da november 2014** ni d'informar igl uffeci da baghegiar co igl ei da proceder. Las ramas dallas fossas vegnan demontadas entras la vischnaunca, medemamein tuttas cruschs e monuments ch'ei buca vegni allontanai entochen ils 15 da november 2014.

Nus supplichein Vus da prender enconuschientscha ed engraziein gia ordavon per Vossa collaboraziun e Vossa capientscha.

Uffeci da baghegiar Disentis/Mustér

Manteniment da vias e sendas

La vischnaunca da Mustér s'adressa als vischins e vischinas ed uniuns interessadas da segidar vid il manteniment da sendas e vias da cultivaziun (vias forestalas e vias funsilas). Sil territori dalla vischnaunca da Mustér sesanfla ina reit da sendas marcadadas e signalisadas da ca. 160 km. La reit da vias da cultivaziun ei medemamein dètg liunga e pretenda la duida atenziun.

Nus lessen envidar tuttas e tuts interessai d'annunziar lur interess pil manteniment da sendas e vias funsilas. L'indemnisaziun vegn fixada en fuorma d'ina pauschala annuala a norma d'in semp-el carnet da duers e d'in temps d'engaschi fixau. Lavurs supplementaras stuessen vegnir coordinadas cul menaschi tecnic.

Interessents che fussen prompts da surprender la respon - sabladad pil manteniment d'ina senda ni d'ina via da cultivaziun ein supplicai d'annunziar lur interess entochen venderdis, ils **31 d'october 2014**. Las annunzias han da succeder a scret. Per ulteriur sclariment stattan il menader digl uffeci da baghegiar ni il forester communal bugen a Vossa disposiziun.

Disentis/Mustér, ils 18 d'uost 2014
Suprastonza communal Disentis/Mustér



Dis europeics dal monument 2014

La sonda, ils **13 da settember 2014** ha liug a Mustér ils 21avels dis europeics dal monument 2014. Igl uffeci da cultura dil Grischun (tgira da monuments e survetsch archeologic) ha preparau in vast program per quella occurrenza. L'occurrenza ei publica, persunas interessadas san s'annunziar tier la tgira da monuments dil cantun Grischun: marlene.fasciati@dpg.gr.ch

Il program vegn publicaus en casa communal.
Administraziun communal Disentis/Mustér

Controlla da habitonts

Naschientschas

Oliver Elias Lutz, naschius ils 28 da fenadur 2014 fegl da Ada Rebekka e Daniel Fredy Lutz-Schut

Elvin Donlic, naschius ils 6 d'uost 2014 fegl da Jasmina e Senad Donlic-Delibegovic

Apparats d'udida

Gliendisdis, ils 25 d'uost 2014 saveis Vus schar schubergiar e regular Vies apparat d'udida naven dallas 14.00–16.00 el Puntreis Center da sanadad a Mustér, Via Cons 11. L'uniun Pro Audito Cuera cun signur Arthur Jacomet fa quei survetsch per tuts interessents gratuitamein.

Cordiala invit
Puntreis, Center da sanadad

Uniun da dunnas Mustér Brunch a Caischavedra

Dumengia, ils 31 d'uost envida l'uniun da dunnas en tut las commembras ad in brunch a Caischavedra. Suenten il brunch sa tgi che ha plascher guder ina biala spassegiada sur la senda dils Laruns. Partenza dalla cabina dallas 9.30.

Annunzias san vegnir fatgas entochen ils 26 d'uost tier Candinas Fabiana, 081 947 42 88, 079 373 61 58. Nus selegrein sin Vossas annunzias e da saver passentar in bi di ensemen cun vus

Cordials salids
Christina, Ursina, Sigrid e Fabiana

Secziun da catschadurs Péz Alpetta

Tir intern dalla secziun da catschadurs Péz Alpetta a Sars Sut, cun informaziuns dil guardia-selvaschinas partenent las perscripziuns da catscha. **Sonda, ils 23 d'uost 2014**, naven dallas 13.00.



Forum cultural internaziunal Disentis/Mustér (FCIM)

Cun ina sera culturala ed in survetsch divin ecumen a Mustér-Caischavedra vegn nies project «Inscunter culla cultura africana 2013/14» terminaus.

Sonda, ils 6 da settember 2014

Sera culturala cun musica e ritmus dall’Africa allas 20.00 en halla Cons, Mustér. Producciuns: Gruppa africana Saf-Sap, Uniun da harmonicas Cadi, Chor ad hoc ed affons dalla Cadi.

Dumengia, ils 7 da settember 2014

Allas 10.30 ha liug a Caischavedra in survetsch divin ecumen tier il medem tema cun sur Georg Changeth, sur Ozioma Nwachukwu e ser Roland Just. La gruppa Saf-Sap vegn ad embellir quei survetsch divin cun contribuziuns musicalas. www.forum-disentis.ch

Mira inserat!

Gruppa da gimnastica senioras

Las vacanzas ein finidas. Nus entschevein cun nossa gimnastica ils **5 da settember 2014**, mintga venderdis allas 13.30–14.30 en halla Cons.

Cordialmein envidein nus nossas commembras. Tgi enconuscha buca nossa gruppa? Sche Ti has plascher dalla gimnastica, neu e fai ina viseta nunligionta tier nus. Sclariment per tel. 081 947 56 43, 081 947 53 32

Ad in bien e frestg seveser
Las menadras

Cuors BLS-AED

L’ Uniun samaritana Mustér organisescha il cuors da reanimaziun BLS-AED (Reanimaziun cun applicaziun dil defibrilatur automatic)

Datum: Sonda, ils 13 da settember 2014

Temps: 8.30–11.30/13.30–16.30

Liug: Casa da scola Mustér

Annunzias: Ein da far entochen ils 3 da settember 2014 tier Yvonne Flepp, tel. 081 947 50 35, e-mail: yvonne.flepp@kns.ch

Preavis – 3. Zavrada da nuorsas

La 3. Zavrada da nuorsas ha liug, **sonda ils 27 da settember 2014 a Mustér/Salaplauna.**

La fiera da products da nuorsas ed auters products regiunals ha liug da 10.00–16.00. Annunzias per in stan da fiera saveis Vus far a info@agricultura.ch ni telefon 081 936 48 00.

Nus fagein gia ussa in cordial beinvegni alla 3. Zavrada da nuorsas a Salaplauna.

Ils purs e las puras da l’alp Lumpegna ed il Center sursilvan d’agricultura